

PHILIPPI
RONDININI J.U.D.
... ORATIO DE
LAUDIBUS S. PII 5.
HABITA IN AEDE...

Filippo Rondinini





1055

1055

25

1055 25

PHILIPPI RONDININI

J. U. D.

Cathedralis Ecclesiæ Faventinæ

CANONICI THEOLOGI

ORATIO

DE LAUDIBUS

S. P. I. I. V.

Habita in Aede Sancti Andreæ,

Quum eidem a Sanctissimo D. N.

CLEMENTE XI.

PONTIFICE MAXIMO

In Sanctorum Albo nuper descripto

P. P. ORDINIS PRÆDICATORUM

FAVENTIÆ

Sollemniter plauderent.

FAVENTIÆ, MDCCXII.

Excudebant Archi, & Zanoni
Approbatione, & permissu.



(3)
Reverendissimo Patri

F. ANTONINO
C L O C H E
TOTIUS PRÆDICATORUM ORDINIS,
GENERALI MAGISTRO.

PHILIPPUS RONDININUS CANONICUS FAVENTINUS.



*U*um nuperis diebus orationem hanc de SANCTI
PII QUINTI laudibus tumultuario confecerim,
quam in *Æde Sancti Andreæ* a me habitam evul-
gare statui, eam tuo nomini inscribendam duxi,
REVERENDISSIME PATER, qui clarissimi tui Ordinis
amplitudini atque ornamento vehementer incumbis.

*Tibi enim erant sanctissimi hujus Principis nuncupanda laudes, cui
divinis bonaribus augendo strenuam adeo navasti operam, & vires
omnes adhibuisti. Muneri quidem suo novissime fecerunt satis nobi-
lissimi hujus Cænobii Fratres, ut divini Hominis memoriam, quo-*

al fieri potuit, cultu magnifico celebrarent; quod sane consilium mirifice confirmavit splendida liberalitas, & diligentia viri probatissimi, atque integerrimi Magistri Fr. Vincentii Thomæ Fracchiæ, qui Prioris, ut vocant, fungitur ministerio. Eadem Ordinis per amplam conquisita undique venustissima suppellectile affabre instructam, singulari opificio adamussim ornatam, & omni ex parte maiestate fulgentem Civitas tota suspexit. Præterea disertissimos oratores, musici, & harmonici concitus nobilitatem, quæ singula apud omnes admirationi fuerunt, & voluptati. Verum honorifico sollemnitatis exordio id maxime accessit, quod ab Æde Cathedrali, Cleri utriusque procedente cœtu, venerabili nostræ hujus Ecclesiæ stipante Capitulo, atque inulto Urbis Magistratu, sanctissimi Pontificis in triumpho specimen delata imagine, ad Templum Ordinis publica supplicatione omnes gratulabundi convenerunt. Nec mirandum videtur adeo festivum universæ Civitatis gaudium, quæ optimum Principem bene de se meritum gloriatur: quum nimirum ad Catholice fidei columnen & præsidium sacræ Inquisitionis Sedem, quæ toti propemodum Æmiliæ dominatur, pinguiori attributo censu, eidem, atque Ordini tuo adjudicaverit. Itaque, ut ceteri, ingentis admodum lætitiæ causa commotus, tenuem hanc orationem utrumque exaravi, quam amicorum plerique in hoc communi Faventini populi plausu coram dicere compulerunt: eamque insuper eo consilio in tuo nomine typis edere volui, ut publicam meam erga te, atque Ordinem tuum observantiæ significationem aliquando exhiberem; quod jampridem in votis habui, postquam probos homines diu in Urbe præsens audivi, qui passim de te magna loquebantur, deque tuis virtutibus mirum in modum perquam honorifice prædicabant: propterea dabis veniam, PATER SAPIENTISSIME, si tibi viro longe doctissimo exilem ingenii mei factum, impolitam hanc & mutilam laudationem de divino Pontifice inscripserim; id unum vero humanitati tuæ tribuendum erit, quod etiam atque etiam rogo, si gratum fore tibi hoc officii mei argumentum intelligas. Vale; & te Deus quamdiutissime sospitet.

Dabam Faventix sexto Kalendas Decembris, Anno MDCCXII

ORA-



O R A T I O.



Audiam profecto, & longe impar viribus opus ag-
gredior, Auditores, quum de sanctissimi, & ma-
ximi Pontificis **PII QUINTI** laudibus disse-
rendi summum argumentum intelligam: tanta
enim est rerum copia, & magnitudo, ut me sum-
mopere in metum adducat, ac dicere incipien-
tem deterreat: atque circumscripti adeo sunt ad dicendum fides,
ut nedum ego omnium infantissimus, verum etiam quisque
disertissimus orator vehementer animo frangeretur. At quia
suscepti muneris postulat ratio quoquo modo de Pontifice,
sanctissimo, de Homine plane admirabili & divino palam edi-
cere, pauca quædam de illo, tumultuaria laudatione comple-
ctar. Hodierna siquidem die Faventina Ecclesia in gaudium
erumpit, Civitas lætatur universa, dum in hac Aede augustis-
sima, Principi optimo, Pontifici maximo in speciem triumph-

phi sacra sollemnia celebrantur: de quo igitur quum mihi in presentia sermonem habendi sit orus, haud facile dixerim, uter major de dignitate, an de homine dicendi labor exhibeatur. Utraque sane res tanta est, tam nobilis, & magnifica, ut vix ulla ingenti vi, ulla orationis copia possit commendari. Ego itaque (quum id satis perficere nequeam) utramque pro virili partem commemorabo: de dignitate, de homine loquar; ita quod aequè hominem dignitas, ac homo dignitatem meruisse videatur.

Novi plerumque nonnullos, quum aliquem laudibus ornare soleant, eas potissimum conquirere, & consecrari, quæ alieni sunt juris, neque præstati possunt a nobis; nam patria, genus, parentes, quæque alia vel fortunæ, vel corporis sive bonæ, sive commoda sint, levia sunt, & caduca; unde licet uberrima nobis laudationis causa præstetur, in iis immorari non paritur Vix præstantissimæ solidae virtus. Enimvero ab ipsa jam ineunte ætate cæcæ, minorique indole a bonorum omnium auctore donatus, virum vehementer colere, strenuam pietati navare operam, quæque hujus sæculi inania sunt, aspernari, summa hominum admiratione consuevit. Hinc adolescentibus annis, etiam adolescente virtute, humanarum rerum periculis, cælestis & divinæ complexus, perfectionis vitæ stadium ingredi alacri animo non dubitavit, æque in laudatissimo Predicatorum Ordine sacre militiæ nomen divino afflatus amore dedit. Quod autem illi fuerit vitæ genus, aut quæ morum forma, quum inter religiosa sæpè concluderetur, omnes facite norunt, si innocentiam, humilitatem, obedientiam, pauperitatem, ceterasque virtutes Viro sanctissimo familiares compellaverint; quas cum optimis literis, gravi doctrina, & mirabili prudentia, conjunxit. Verum tamen omnibus antecellit Catholicæ Fidei singulare studium, quàm ut ab immani hæresum huc sæculo vindicaret, quum in eas inquirendi publico officio fungeretur, potentum inimicitias, celestium hominum minas, & extrema capitis pericula subire non metuit; quæ sunt omnia universa prope in Italia palam innotuerunt; cujus adhuc præclarissimæ U-

bes

bes Viro integerrimo referunt populos a cetera illa contagione purgatos. Interea ut latior ejus virtutum pateret campus, quæ Orthodoxæ Religionis incremento prospicere consueverant, a Paulo IV. acerrimi judicii Pontifice, cui acceptissimus fuit, Nepesinæ Sedi ac Sutrinæ Præsul invitatus præficitur, necnon ob ejus erga Christianam Rempublicam præclara merita in sacrum Cardinalium Ordinem cooptatur, ac supremi Inquisitoris muneri admoveatur. Optime noverat Antistes sanctissimus quæ deceant Cardinalem, cujus partes quam graves & laboriosæ, quamque honorificæ & splendidæ sint: ubi enim Sacerdotio est ornatus amplissimo, non ille mentem cum fortuna mutavit, sed eandem vitæ rationem, quam adhuc in Cenobio, retinuit; & contempta prorsus rerum humanarum specie, de colenda impensius virtute, de tuenda Pontificii juris majestate, de augenda inter homines divina gloria strenue cogitavit. Nemo fuit qui non miraretur in præstantissimo Cardinali eximiam animi lenitatem, vultus modestiam auctoritate temperatam, sermonis gravitatem Apostolica libertate compositam, & quidquid homines ad reverentiam trahit, & ad obsequium. Nihil obscure de ejus virtutibus Orbis loquebatur, quem præcipue colebant omnes ob doctrinam, multi ob integritatem imitabantur, amabant ceteri ob humanitatem, maximeque ob rectam & simplicem naturam ab omni furo, omni que fastu longissime alienam. At quæ hæcenus de Homine sanctissimo incomposita laudatione disserui, nonne illum Summo Sacerdotio dignissimum uberrime contestantur? quum non humanis oporteat, & vulgaribus, sed splendidis atque divinis virtutibus præditum esse Pontificem. His igitur, atque aliis laudabiliter gestis longe lateque Cardinalis Alexandrini virtutum fama diffunditur; & apud universam Urbem, omnesque bonos, necnon apud ipsum Cardinalium Ordinem adeo perecrebuit, ut Pio Quarto humanis curis exempto, incredibili Patrum consensu, atque admirabili divinæ Providentiæ consilio Pontifex inauguratus, Catholicæ Ecclesiæ administrationem iniverit. Opportuno siquidem remedio Ecclesiæ

clesie suæ consuluit Deus, quum Hominem hunc divinum & plane maximum in gravi illa rerum perturbatione, quibus Catholicus Orbis premebatur, Pontificem dederit, qui pari fortitudine, ac prudentia, necnon pastorali, quæ enixe ferebat, sollicitudine Christianam Rempublicam administraret, eamque ab impendenti calamitatum periculo eriperet. Hinc dolebat collapsam vererem Ecclesiasticam disciplinam, vitiosos populorum mores, & iudiciorum integritatem indigne labefactam: at repente eo, quo pollebat animi robore, disciplinam revocatam, emendatos mores, & iudicia pristinae iustitiae restituta Urbs Roma suspexit. Illinc querebatur Galliarum regnum Europæ florentissimum intestinis bellorum æstuare tumultibus, atque urgente hæreticorum improbitate, infanda pravorum hominum colluvione deformatum civilibus ardere discordiis: atque animo vehementius angebatur Turcaram, audire Tyrannum perpetuum Catholici nominis hostem infaniori audaciâ furentem, & victricibus armis elatum Christianæ Reipublicæ flammam ferrumque terra marique minitantem. Itaque quid erit consilii in hac tristi ac luctuosa rerum perditarum imagine? Familiarem sibi invicti animi magnitudinem prudentissimis Pontifex in subsidium vocat, & ope divina precibus implorata, cœlesti lumine collustratus, in Galliam auxiliares copias strenuo duci Sedis Apostolicæ stipendiis traducendas demandavit, quarum præsidio Rex Carolus insignem contra perduelles victoriam obtinuit. Mox ut Turcarum impetus coecerneret, memorando illo cum Rege Catholico, & Veneta Republica iniro fœdere, ingentem classem instruxit, quæ magno adversus Turcas habito conflictu, præclara adeo, & prope incredibile apud Læcadem posita est victoria; ut æviter nam ejus memoriam nulla unquam apud posteros delere possit oblivio. O Virum Catholicæ Religionis vindicem acerrimum! O Pontificem immortalitate dignissimum! Singulare hoc beneficium, ut terribili hoste profligato, rei Christianæ steterit salus, Tibi referendum, Pontifex sanctissime, universus Orbis agnovit: in id unum tuæ lacrymæ conspirabant,

bant, tuæ preces, & fervida vota. Nondum vero cetera in Romanam Ecclesiam ab optimo Principe derivata beneficia commemoravi, neque id ego facile posse video, quum omnia divini Pontificis inelyta gesta nedum exequare dicendo, sed assequi cogitando non valeam; quam ob rem plura, & quidem maxima præterire temporis angustia compellor. Prætereo clarissimam legationem ad potentissimos Europæ Reges eo iudicio, ut eorum simul collatz vires in conterendis Catholicæ Fidei hostibus exercerentur. Prætereo quo pectore Angliam pestifera hæresi inquinatam proscripserit, & iniquam ejus reginam anathemate percussam damnaverit. Quæ sane omnia, & quæ cetera dicenda prætereo nemo vestrum non videt, Auditores, uti Romana Ecclesia meruerit divinum hunc Hominem, qui turbulentissimo illo seculo Sedi Apostolicæ Pontifex præficeretur; immo quantum illa egregii hujus Principis sanctimonia, vigilantia, fortitudine, & prudentia mirabiliter indigeret, quo nimirum humani generis utilitari consuleretur. Verum quia tot virtutibus cumulatam Pontificem diutius Orbis non merebatur, e mortalibus raptus in cælum, ibi in sua sede locatus inter beatorum Spirituum choros ævo fruatur sempiterno. At vero licet beata Cœlitum gaudeat statione, mortalium hominum curas tueri, & humanis rebus subsidium præstare, ubicumque imploratus, non intermisit: id enim plures diuturnis ac lethalibus affecti morbis in valetudinem restituti, alii, quos immundi spiritus vexaverunt, incolumitate donati, ceteri ab incendiis, casibus, & ærumnis exempti, satis superque testificantur. Dabis interim veniam, Pontifex sanctissime, si mutila & incompta oratione, nec satis pro dignitate de tuis laudibus disseruerim. Devotam hanc Urbem, quam ornasti vivens perenni monumento, e summo Cælo intuere, nosque ab omni malorum casu, quibus indigne labentes affligimur, defendere ne graveris. Respice Apostolicam Sedem, Romanam Urbem, inelytum Fidei domicilium, ibique Pastorem maximum, qui Te divinis honoribus cumulavit: inde age tuis precibus, ut Rei-

publi-

(10)
publicæ bono, & seculi hujus felicitati, æquè ornamēto
longævam., ac fospitem vitam ducat, & universi Orbis
tranquilla pace lætetur.

L A U S D E O





Handwritten text at the top of the page, possibly a title or header.

Handwritten text in the upper left quadrant, possibly a list or notes.







